

FALSIFIKATI

Što je nama lijepo, njima je ružno

ČETNICI BRINU O MUSLIMANIMA

Pišor: Alija ISAKOVIĆ

"Knjiga Identitet Bošnjaka - Muslimana, koja predstavlja zbornik radova sa naučnog skupa u Plavu "Kulturno istorijski identitet Muslimana u Crnoj Gori", u izdanju Centra za kulturu u Plavu - umesto, po onoj narodnoj, da je najbolji drug, postala je knjiga razdora, falsifikata, pa i mržnje. Samozvani urednik u nju je uneo ono što na skupu nije rečeno, ali se potrudio da iz nepodobnih referata izbaci ono što se Aliji Izetbegoviću ne bi svidelo"

Ovo brinu nije pod navodnicima. Četnici su lukavi i pokušavaju naš svijet u Srbiji i Crnoj Gori ponovo prevoditi žedne preko vode: Niste vi Bošnjaci-vi ste muslimani. Dakle, muslimani, a ne Muslimani i Sitna, mala, "pravopisna" podvala, svojstvena duhu i oružju onih koji su planirali i povjerovali da će nas nestati, sad ili nikad! Znaju oni da Muslimani nisu "prcinačeni u bošnjake (sic.) po receptu Alije Izetbegovića" Znaju oni da je i Musliman bilo podvala. Ti primitivci su toliko zasljepljeni mržnjom prema nama da i riječ bošnjak pišu malim slovom! (Beogradske Novosti 22 i 23. V. 1995 Montaža za Aliju, autor Duško Jolić)

Njima je riječ Bošnjak "odrednica koja ima geopolitički značaj". I to im je bauk IA odrednica Hrvat u Janjevu na Kosovu? Znaju oni dobro da naše tradicionalno nacionalno ime Bošnjak ima jaču tradiciju u Sandžaku, nego u Bosni, jaču u Plavu nego u Sarajevu. Znaju oni da se u ruskim i Turskim naučnim djelima kontinuirano imenujemo Bošnjacima. Ali, slijepa i zatucana četnička logika uvijek negira drugome ono što sebi dozvoljava: Nacionalno se može biti Crnogorac u

Sarajevu, ali ne može Bošnjak u Plavu; može se biti "geopolitički Srbin" u Benkovcu i Drnišu, a ne može Bošnjak u Novom Pazaru. Gluposti! Stari srpsko-crnogorski šovinistički folovi: ono što je meni dozvoljeno, tebi nije dozvoljeno: Mi određujemo vaš život i vašu smrt, i određujemo ime pod kojim ćete živjeti, "dok se ne vratite veri pradedovskoj". Tako im Albanci nisu Albanci nego Šiptari. Gluposti!

"I pored upornih upozorenja dve trećine učesnika skupa, knjiga je objavljena u tiražu od dve hiljade primeraka koju je pripremio i uredio Hamdija Šarkinović, glavni urednik, i uređivački kolegijum - mr. Ramiz Crnovršanić, Dževad Šabović, direktor Centra za kulturu u Plavu. Svi ti ljudi su se u toj funkciji pojavili mimo znanja i organizatora i učesnika skupa" (Nije teško zamisliti kakva su bila ta uporna upozorenja, kad se na staljinizam nakalemi šovinizam!) Evo finala "prijateljskog ubrđivanja": "S obzirom na očitu tendenciju samozvanog urednika i Uređivačkog kolegija publikacije Identitet Bošnjaka-Muslimana da se naučni skup o Kulturno-istorijskom identitetu Muslimana u Crnoj Gori iskoristi u političke svrhe, prinudeni smo da se javno ogradimo od publikacije i postupaka njenog urednika i Uređivačkog kolegijuma. Zadržavamo pravo da zatražimo satisfakciju sudskim putem", kaže se u pismu upućenom javnosti koje su potpisali učesnici skupa dr. Radoje Pajović, dr. Ejup Mušović, dr. Avdul Kurpejović, dr. Sefer Mededović i književnici Milika Pavlović, Zuvdija Hodžić, Husein Bašić, Binasa Mušović i Naser Mihović. Aferim, stručnjaci! Historičar dr. Ejup Mušović i književni

historičar i skupljač narodnog stvaralaštva Husein Bašić znaju bolje od mene historijat naziva Bošnjak i njegovo prostiranje. I historijskom analfabeti jasno je da su sandžački muslimani nacionalno Bošnjaci, a što tiče ovog dr. Sefera Mededovića, on - u svome "naučnom" zanosu - vjerovatno nije niko pročitao ni knjigu svoga bliskog rođaka AVDE Mededovića, najvećeg evropskog epskog pjevača poslije Homera: Avdo Mededović "Ženidba Smailagić Mehe, Svjetlost", Sarajevo 1985, prema izdanju objavljenom 1974, na Harvard University: Avdo Mededović "The Wedding of Smailagić Meho, priredio Albert B. Lord. Ovaj slavist svjetskog glasa razgovarao je u Bijelom Polju s Avdom Mededovićem 1935. godine, te je uz ep objavio i razgovor u kojem Avdo nedvosmisleno govori da je Bošnjak i da govori bosanskim jezikom. Tako će ovi "stručnjaci" ući u historiju ne po svome znanju nego po svome kukavičluku. Oni su sada geopolitički muslimani i njihov svijet je velik i prostran i mogu krenuti na put kad god hoće, imaju svuda svoje raseljene geopolitičke rodbine.

Uredništvu Novosti ne smeta termin Bošnjak tek tako. Stara priča - sve što je nama lijepo, četnicima je ružno, što je nama drago, njima je mrsko: "Urednik knjige Identitet Bošnjaka-Muslimana Hamdija Šarkinović u svom prilogu podsjeća da je potpuna kulturna autonomija, lokalna samouprava primerena Evropskoj povelji, sa stvarnim nadležnostima lokalnih zajednica i proporcionalna zastupljenost Bošnjaka u organima države".

Dakle, to ne valja!